

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 441301 23 St
Tuzla, 27.09.2023. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „KIB GLAS“ d.o.o. za trgovinu staklom, Srebrenik, ul. Potpeć bb, sa podružnicom br. 1 „KIB GLAS“ d.o.o. za trgovinu staklom, Srebrenik, Bukinje, Bukinje bb, nakon provedenog stečajnog postupka, donio je dana 27.09.2023. godine sljedeće:

RJEŠENJE

OTVARA SE stečajni postupak nad imovinom dužnika „KIB GLAS“ d.o.o. za trgovinu staklom, Srebrenik, ul. Potpeć bb, sa podružnicom br. 1 „KIB GLAS“ d.o.o. za trgovinu staklom, Srebrenik, Bukinje, Bukinje bb, matični broj subjekta 1-12822, JIB: 4209585700003, račun broj: 1321502006696407 otvoren kod NLB banka d.d. Sarajevo.

Za stečajnog upravnika imenuje se Besim Hamidović iz Zvornika, Križeviči 173.

ZAKLJUČUJE SE stečajni postupak nad imovinom dužnika „KIB GLAS“ d.o.o. za trgovinu staklom, Srebrenik, ul. Potpeć bb, sa podružnicom br. 1 „KIB GLAS“ d.o.o. za trgovinu staklom, Srebrenik, Bukinje, Bukinje bb, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 441301 23 St od 09.05.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „KIB GLAS“ d.o.o. za trgovinu staklom, Srebrenik, ul. Potpeć bb, sa podružnicom br. 1 „KIB GLAS“ d.o.o. za trgovinu staklom, Srebrenik, Bukinje, Bukinje bb, a za privremenog stečajnog upravnika imenovana je Besim Hamidović iz Zvornika, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 08.06.2023. godine. Iz izvještaja privremenog stečajnog upravnika i navoda datih na ročištu proizilazi da je kod društva nastupila platežna nesposobnost dana 13.05.2011. godine kada su počele blokade transakcionih računa. Društvo nema zaposlenih radnika osim direktora. Iz poslovne dokumentacije proizilazi da društvo ima obaveze u iznosu od 1.382.687,34 KM, a koje se odnose na porezne obaveze, obaveze prema inostranim i domaćim dobavljačima, dugoročne kredite, plate i naknade i ostale obaveze. Društvo nema bilo kakve imovine koja bi ušla u stečajnu masu i mogla se unovčiti, nema u vlasništvu nekretnina, pokretnih stvari, niti sredstava na računima koji su blokirani konstantno od 2011. godine, niti bilo koje druge imovine. predloženo je da se uputi javni poziv radi uplate iznosa od 4.000,00 KM na ime predujma troškova stečajnog postupka. U izvještaju stečajni upravnik je iznio stav da je prijelodog za otvaranje stečajnog postupka podnesen u zakonskom roku navodeći da je platežna nesposobnost nastupila 13.05.2011. godine blokadom računa po redovnom računu otvorenom kod Raiffeisen banke, a kako u tom momentu nisu stupile na snagu odredbe Zakona

o stečaju (15.07.2021. godine) to retroaktivna primjena zakona nije moguća. Na upit suda na ročištu održanom dana 17.07.2023. godine stečajni upravitelj je izjavio da je platežna nesposobnost stečajnog dužnika nastupila 2011. godine od kada su pa sve do danas računi blokirani, s tim da je dao pojašnjenje da se iznos od 28,50 KM koji se nalazi na partiji računa broj 225000247-0 odnosi na rezervisana sredstva koje je sama banka odvojila kako bi bila u mogućnosti da naplaćuje svoje provizije za vođenje računa.

Suprotno od izraženog mišljenja stečajnog upravnika, ovaj sud utvrđuje da prijedlog za otvaranje stečajnog postupka podnesen dana 16.02.2023. godine nije podnesen u zakonskom roku od 60 dana od dana nastupanja platežne nesposobnosti, kod činjenice da je platežna nesposobnost nastupila 2011. godine od kada su računi društva blokirani, dok je Zakon o stečaju stupio na snagu 15.07.2021. godine, tako da se u konkretnom slučaju ne radi o retroaktivnoj primjeni zakona jer je prijedlog za otvaranje stečajnog postupka podnesen znatno nakon isteka propisanog roka računajući od trenutka primjene zakona.

Dakle, sud nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 13.04.2023. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 38/23 dana 24.05.2023. godine, oglasnoj tabli suda dana 10.05.2023. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama FBIH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija

Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.